



REPUBLIKA E KOSOVËS / REPUBLIKA KOSOVA

GJYKATA THEMELORE PEJË

Numri i lëndës: 2019:283336

Datë: 28.07.2020

Numri i dokumentit: 01042236

P. nr.1125/19

NË EMËR TË POPULLIT

GJYKATA THEMELORE NË PEJË D.P. , gjyqtari Sejdi Blakaj me sekretaren juridike Gjyljeta Çorkadiu , në lëndën penale kundër të pandehurës H. B, sipas aktakuzës së PTH-së D.P. në Pejë PP/II.nr. 2552/19 të dt.29.11.2019, për shkak të veprës penale: dhunë në familje nga neni 248 par 2 lidhur me par 1 të KPRK-së , pas përfundimit të shqyrtimit fillestar , publik dhe me gojë, të mbajtur në praninë e të pandehurës H. B dhe të prokurorit të shtetit Ardiana Veseli dhe të me dt.28.7.2020 ka marrë dhe botërisht ka shpallë këtë :

A K T G J Y K I M

E pandehura H.B i lindur me dt.... në Pejë rruga XH H, ku edhe tani jeton e bija e M dhe nënës T e gjinisë V , e njohur me dokument identifikues numër .., nuk din shkrim lexim, e pa punë, e martuar nënë e 8 fëmijëve ,e gjendjes së dobët ekonomike, kinse e pa dënuar më parë nga gjykata, Egjiptian Shtetase e Republikës së Kosovës , më parë e pa dënuar, gjendet në liri.

ËSHTË FAJTOR

Për arsye se:

Me dt. 28.10.2019, rreth orës 09:00 në Pejë , pikërisht në shtëpinë e të dëmtuarës në lagjen Shtatë Shtatori , në Pejë , me dashje ushtrij dhunë fizike ndaj vajzës së saj të dëmtuarës L. J , në atë mënyrë që , në ditën e lartcekur , kishte shkuar në shtëpinë e të dëmtuarës nëna e saj e pandehura e lartcekur dhe pas një zënke verbale, e njëjta menjëherë fillon ta rrah të dëmtuarën , duke e grushtuar dhe e kap për flokë të njëjtën dhe për një moment e merr një dërrasë dhe fillon ta godet në pjesë të ndryshme të trupit .

-me çka ka kryer veprë penale : dhunë në familje nga neni 248 par 2 lidhur me par 1 të KPRK-së.

Prandaj gjykata të pandehurën konform nenit 38, 39, 46,47,48,49, dhe nenit 248 par 2 lidhur me par 1 të KPRK-së.

E GJYKON :

1. Me dënim me gjobë në lartësi prej 200 euro , e të cilën gjobë e pandehura fare nuk do ta paguaj nëse në afat prej 1(një)viti nuk kryen ndonjë vepër tjetër penale , dhe:

Me dënim me burg,

2. Në atë mënyrë që ia përcakton dënimin me burg në kohëzgjatje prej 4 muajsh , e të cilin dënim e pandehura fare nuk do ta vuaj nëse në afat prej 1 viti nuk kryen ndonjë vepër tjetër penale

E pandehura për shkak të gjendjes së varfër ekonomike lirohet nga pagimi i shpenzimeve të procedurës penale.

E dëmtuara për realizimin eventual të kërkesës pasurore juridike udhëzohen në kontest të rregullt civil.

A r s y e t i m

Prokuroria Themelore në Pejë me dt.29.11.2019 kundër të pandehurës H. B ka ngritë aktakuzë PP/II. nr.2552/19, për vepër penale : dhunë në familje nga neni 248 par 2 lidhur me par 1 të KPRK-së, duke i propozuar gjykatës që pas përfundimit të shqyrtimit gjyqësorë të pandehurën ta shpallë fajtores , ta dënoj sipas ligjit dhe ta obligoj në pagimin e shpenzimeve procedurale .

Në shqyrtimin fillestar e pandehura – pasi që paraprakisht i është lexuar aktakuza , është njoftuar me të drejtat dhe detyrimet procedurale dhe pasoja e pranimit përkatësisht të mos pranimit të fajësisë- e ka pranuar fajësinë. Këtë pranim fajësie gjyqtari – pasi që paraprakisht e ka marrë pëlqimin e prokurorit të shtetit, i bindur se pranim fajësinë e pandehura e ka bërë ashtu siç e parasheh ligji – vullnetarisht dhe pa u ndikuar nga askush dhe asnjë mënyrë e ka pranuar.

Meqenëse e pandehura e pranoj fajësinë gjyqtari kaloi në marrjen e vendimit lidhur me llojin dhe lartësinë e masës ndëshkuese , me ç rast i pati parasysh të gjitha rrethanat rënduese dhe lehtësuese. Rrethanë rënduese në rastin konkret gjyqtari nuk ka gjetur , kurse nga ato lehtësuese ka çmuar : pranimin e singërtë të fajësisë që është rrethane veçanërisht lehtësuese , pendimin e thellë për këtë gjë, qëndrimin korrekt në gjykatë, por edhe faktin se e pandehura është nën që kujdeset për familjen 8 anëtarësh „e në veçanti faktin se të dëmtuarën e ka vajzë të cilën nuk ka më mosmarrëveshje dhe mbi të gjitha faktin se e pandehura jeton nga ndihma sociale për çka gjykatës ia ka bashkangjitur dëshmi përkatësisht kartelën në fjalë , kështu gjyqtari mendon se edhe me një vendim si në dispozitivin e aktgjykimit ndaj të pandehurit do të arrihet qëllimi i ndëshkimit i paraparë me neni 41 të KPK-së .

Vendimi mbi shpenzimet e procedurës penale është marrë konform neni 453 të KPPRK-së

Vendimi mbi udhëzimin e të dëmtuarit në kontestin e rregullt civil është marrë konform neni 463 të KPPRK-së .

Nga sa u tha më lartë konform neni 365 të KPPRK-së u vendos si më lartë

Nga Gjykata Themelore në Pejë D.P. datë.28.7.2020.

Sekretarja juridike
Gjyljeta Çorkadiu

Gjyqtari
Sejdi Blakaj

KËSHILLA JURIDIKE

Kundër këtij aktgjykimi lejohet

Ankesa në afat prej 15 ditësh nga

Dita e marrjes , Gjykatës të Apelit në Prishtinë

E përmes kësaj Gjykate .